

Chayo

A bay Hulanda pa sigui cu su estudio

Chayenne Kock mihor conoci como Chayo ta un artista hoben na Aruba cu ta trahando duro pa haci e number di "Honeypot" uno internacional, pero recientemente a biaha pa Hulanda pa sigui cu su estudio cu ta na promer lugar



Tur hende na Aruba conoci e musica di Honeypot y realmente e ta zona bon y ta pone bo zweef. Pa e mesun motibo aki Chayo ta haya cu e musica di Honeypot por zona mihor y riba nivel internacional esta den exterior.

Chayo ta un hoben di 24 aña cu a cuminsa den e mundo di musica cu su 7 aña caminda cu el a siña toca cuarta

Mama di Chayo a siña toca esaki asina bon cu te hasta un lezing di cuarta Chayo a duna na school caminda tur e muchanan a keda impresionada y bon punto a skeiro.

Cu su diez aña di edad Chayo su mama a bolbe siña toca un instrument nobo y esaki tabata guitarra. Despues di tempo Chayo mes a sigui improvisa ariba guitarra y a siña yen di tecnica nobo.

Chayo cu su 13 aña a haya un guitarra di coriente y aki ta loke cu Chayo a cuminsa descubri e mundo di rock.

Apenas 14 aña Chayo a lanta un

band di Rock hubenil cu tabata un band forma pa amigonan.

Despues di tempo Chayo a bay les di guitarra y di lesamento di noot maske cu Chayo ya tabata sa hopi di guitarra.

Despues di tempo e banda a kibra pasobra hopi di e muchanan no tabata por a sigui toca pero no mucho aña a pasa cu Chayo a bolbe lanta un band.

Chayo tabata tin 17 aña tempo cu el a lanta e banda di Honeypot y a train 1 aña prome cu a sali cu e banda den publicidad.

Chayo mes tabata skirbi cancion y tabata traha e ritmonan abase di e cancion.

E banda aki a cuminsa bira famoso y e prome toca cu Chayo a haya pa Honeypot tabata na Black Hog.

Tur presente e tempo ey a keda impresionada cu e grupo di hobennan den e banda ta toca asina bon y ta mas cu claro cu mas toca a keda pidi.

Esnan cu e tempo ey tabata forma parti di e band ta: Randy Zijlstra,

Bruce Harms, John Henriquez y Jetro.

Na aña '99 a shoot e prome cancion na radio cual tabata "So Long" cu a bira un hit y na 2000 a saca e prome album di Honeypot.

No, a dura mucho tempo despues cu un otro cancion a bira un hit na radio cual tabata "Loosing My Self".

Te awor Honeypot tin 2 single mas un CD cual lo keda lanza pronto cu ta e prome CD Live di Honeypot.

"The Best of Honey Pot Live" a wordo graba na Black Hog cu publico live.


Honeypot a yega di toca na varios otro lugar mas manera e famoso Whiskey cu tabata e centro di causa furor di Honeypot.

Motibo pakico Honeypot a escoge Black Hog pa graba nan CD Live ta pa e simple motibo cu Black Hog tabata e prome lugar caminda cu Honeypot a haci su debut pa prome biaha.

Honeypot a yega di kibra pero Chayo a lanta esaki atrobe y cu e



meta pa haci esaki uno grandi. Honeypot a yega di toca na fiesta priva, na fiesta di famia y na tur club nocturno di Aruba. Chayo a haya varios oferta pa toca na hopi club nocturno pero Chayo a prefera di no mara su mes na ningun lugar pero trata di toca na cada uno un tiki.



Un hoben manera Chayo tabata parti su tempo di estudio y su tempo di cantamento pa logra termina su LTS cual Chayo a termina tambe.

Facil e no tabata pero dificil tampoco pasobra Chayo semper tabata haya sosten di su mayornan cual tabata apoye den tur cos.

Chayo a haya un school na Hulanda caminda e por bay termina su MBO.

Pa un aña largo Chayo a tuma tempo pa bay traha ariba su CD y pa despues e bandona Aruba pa bay studia.

Chayo no tabata cantante pero mas bien tabata guitarista y despues di tempo Chayo a haye ta canta locual cu nunca e no a pensa di por a haci. Chayo semper tabata considera su mes como un guitarista y no cantante pero e durf a drenta curpa y Chayo a bira cantante di Honeypot. Chayo a lanta den e ambiente di musica y mama di Chayo tabata esun cu tabata pusha Chayo pa sigui den musica.

Chayo tin cancion cu el a skirbi di tempo cu e tin 14 aña cu e ta bolbe usa pa graba cancionan di awor.

Awor Chayo tin un cancion cu e ta bay saca na Hulanda cu ta hiba e nomber di "Not Me" cu tabata uno cu el a skirbi tempo cu e tin 19 aña. E ritmo di Honey Pot ta un Reggea combina cu Roots y Alternative y un mescla a sali di Rock y reggea. Honeypot tin un ritmo casi igual cu sublime pero mas lihe cu esakinan pasobra e tin un ritmo unico.

Chayo ta kere cu e ta cla caba na Aruba y awor ta tempo pa habri hala y bula pa otro partinan.

Ta 7 number hits a logra na Aruba cu Honeypot cual ta bon pa cumin-sa pero pa sigui tin cu bula bay otro caminda cual ta e intencion di bay gira pa St. Maarten, Curaçao.

Chayo ta bay Hulanda pa forma un banda grandi y pa studia pa logra termina su MBO.

Na Hulanda Chayo ta bay duna presentacion hunto cu Intwine y na diferente lugarnan cu artistanan grandi ta canta.

Chayo ta biaha hunto cu su chick y hunto nan ta bay studia, traha y biba pa un tempo largo.

Ta di spera cu pronto Chayo tambe lo por ser aprecia na MTV Europa mescos cu nos a mira Roger. Chayo exito na Hulanda.